



Agensi Kelayakan Malaysia
Malaysian Qualifications Agency


Tel : +603-7968 7044 | Faks : +603-7954 7125

KETUA PEGAWAI EKSEKUTIF
(Chief Executive Officer)
AGENSI KELAYAKAN MALAYSIA
(Malaysian Qualifications Agency)

 www.mqa.gov.my

 OFFICIAL : Agensi Kelayakan Malaysia (MQA)

 MQA Malaysia (@MQAMalaysia)

 MQA_Malaysia



NO GIFT POLICY

Flexible Education. Beyond Borders. Creating The Future

Ruj. Kami : MQA.100-1/7/1 Jilid. 2 (4)

Tarikh : 30 Mac 2018

KEPADA SEMUA PEMBERI PENDIDIKAN TINGGI (PPT)

Tuan/Puan,

PEKELILING MQA BIL. 2/2018

PEMAKAIAN KERANGKA KELAYAKAN MALAYSIA (MALAYSIAN QUALIFICATIONS FRAMEWORK, MQF) EDISI KEDUA

Dengan hormatnya saya merujuk kepada perkara di atas.

2. Seperti yang tuan/puan sedia maklum, Agensi Kelayakan Malaysia (Malaysian Qualifications Agency, MQA) telah menerbitkan Kerangka Kelayakan Malaysia (Malaysian Qualifications Framework, MQF) Edisi Pertama pada tahun 2007. MQF Edisi Pertama ini telah dikuatkuasakan sepenuhnya pada 1 Januari 2011. MQF telah menjadi rujukan utama negara kepada semua pihak yang mempunyai kepentingan dalam pendidikan tinggi negara.

3. Bagi memastikan MQF kekal relevan, unggul dan berkesan di peringkat kebangsaan dan antarabangsa, MQA telah melaksanakan kajian semula terhadap MQF Edisi Pertama. Penambahbaikan ini telah mengambil kira ASEAN *Qualifications Reference Framework* (AQRF) agar sejajar dengan kerangka tersebut. Di samping itu, selaras dengan faktor perkembangan nasional dan global dalam pendidikan tinggi serta input daripada pihak berkepentingan, MQA telah membuat penambahbaikan terhadap MQF Edisi Pertama. MQF Edisi Kedua dihasratkan menjadi instrumen yang berupaya menghasilkan graduan yang holistik, memperkasakan program Akademik dan Pendidikan dan Latihan Teknikal dan Vokasional (TVET) serta terus menyokong pengukuhan budaya pembelajaran sepanjang hayat.

4. Hasil utama kajian semula adalah seperti berikut:
- i. mengekalkan ciri-ciri utama kerangka;
 - ii. mengurangkan tiga sektor (pendidikan tinggi, kemahiran dan teknikal dan vokasional) kepada dua sektor (Akademik dan TVET);
 - iii. menambah baik dan menyusun semula lapan domain hasil pembelajaran ke dalam lima *cluster* hasil pembelajaran;
 - iv. menambah baik dan memperincikan huraian hasil pembelajaran bagi setiap tahap; dan
 - v. memperluaskan peluang pembelajaran sepanjang hayat.
5. MQF Edisi Kedua akan menjadi kerangka rujukan utama kepada Pemberi Pendidikan Tinggi (PPT) dalam jaminan kualiti untuk membangun dan menawarkan program pengajian tinggi negara. Justeru, penggunaan dan pematuhannya adalah terpakai kepada semua PPT seperti butiran berikut:

Bil.	TARIKH	PERKARA
1.	01 April 2019	• Bagi program baharu yang memohon akreditasi sementara perlu menggunakan MQF Edisi Kedua sepenuhnya.
2.	01 April 2020	• Bagi program yang memohon akreditasi atau melalui audit pematuhan perlu menggunakan MQF Edisi Kedua sepenuhnya.

6. Untuk makluman juga, dokumen MQF Edisi Kedua boleh dirujuk dan dimuat turun melalui laman web MQA: www.mqa.gov.my.

Sekian, terima kasih.

“BERKHIDMAT UNTUK NEGARA”

Yang Ikhlas,



(DATO' DR. RAHMAH BINTI MOHAMED)

E-mel: rahmah@mqa.gov.my